

民國十六年十二月

濟
星
集
集

王景岐篆



自叙

民國十八年十二月

歲云暮矣。迴顧此一年中。東西南北。舟車奔走。於國於家於身。又毫無所補。有如旋磨疲牛。自命任重。努力前進。而步步陳跡。所走皆回頭路耳。歲云暮矣。黃昏戶外。風雨淒淒。斗室之間。爐火正炎。泉沸茶熱。仿佛似太平百姓。身心清淨。再迴顧此一年中。於國於家於身。一言一行。又自問無愧。檢點行篋。殘稿錯雜。姑擇若干。綜爲一束。名曰流星集。流星云者。去年日來弗日報。譏我國出席國際聯盟之代表團。年必易人。來踪去迹。倏忽浮沉。比之流星。予亦一流星耳。幸歟。不幸歟。竊取以自號。并以號予本年之拉雜文稿。

民國十八年十二月福州王景岐識

流星集目錄

在國際聯合會禁烟顧問委員會第十二屆會議第十五次大會宣言 十八年一月廿五日

附錄（節譯倫敦一九二九年一月二十六日泰晤士報）

致國際聯盟禁烟顧問委員會會長函 一月廿九日

致日來弗日報函 一月卅日

在國際聯盟禁烟顧問委員會第十二屆會議閉幕大會宣言 二月二日

附錄（日來弗日報論愛文諾遊華）（上海星期評論第四十六期）

在北京中比大學委員會及中比聯合會公餞席上演辭 三月廿八日

附錄（比國陸軍中將朋著君頌詞）

在上海中華國民拒毒會茶會演辭 六月廿七日

在上海寰球學生會茶會演辭 六月廿九日

在上海復旦大學畢業典禮演辭 七月一日

在旅滬福建全省同鄉會暨旅滬閩南閩北商幫兩會館公共大會演講 七月六日

在上海留法比瑞同學會茶會演辭 七月二十日

在南京留法留比留瑞三國同學席上演辭 八月三日

附錄一（總理衙門行出使英國大臣郭嵩燾文 光緒四年二月十七日）

附錄二（中國與歐洲關係之疑問及王景岐之回國） 譯十八年四月一日比國麥石報

附錄三（中比兩國之關係及王公使景岐之離比） 譯十八年五月十五日北京午報

與上海時事新報記者之談話（國際聯盟會） 九月十六日

在杭州各界拒毒運動籌備會歡迎會演辭 九月廿一日

在杭州西湖博覽會拒毒宣傳大會演辭 十月四日

在杭州西湖國立藝術院演辭（列強對華之連環政策） 十月十日

附錄（歐美列強海政論）

與杭州國民通訊社記者之談話（國際遠東調查鴉片團來華問題） 十一月十五日

在上海徵集參加比國獨立百年紀念博覽貨品會開幕演辭 十一月廿七日

在上海中華國民拒毒會第五屆全國代表大會演辭 十二月廿六日

電稿（共二十一通）（各稿均以政府機關曾經披露者爲限）

詩稿

臨別贈留比同學諸君子 十八年三月

紀比王賜餞 三月

去職有感 三月

卽景 三月

初到北京在使館園中植栢一株今漸長成而我將去矣 三月

比京新居示諸兒女 四月

再紀比王賜餞 五月

西伯利亞火車中作 五月

賣車 五月

虎門銷燬鴉片九十週紀念并題林文忠公信及錄 七月

附錄（六月初三日擬題林文忠公詞堂聯）

題南京清涼山 八月

流星 八月

寄太虛法師 八月

西湖口占四首 九月

題西湖劉庄 九月

讀史有感二首 九月

再詠流星 十月

客居西湖贈內子畹秀 十月

二十七日中比間不平等條約廢除三週紀念 十月

附錄（十五年十月二十七日贈廢約同志諸君子）

廢除中比間不平等條約三週紀念日寄廢約舊同志及留比學生 十月

上海除夕贈內子畹秀 十二月

流星集

福州王景岐 石孫

在國際聯合會禁烟顧問委員會第十二屆會議第十五次大會宣言 十八年二月廿五日

連日討論私運毒品問題。目擊慘淡之狀。所有歐洲日本毒品。有如洪水橫流。汎濫中國。（參觀附錄）本委員不得不一改沈默態度。表示意見矣。在本會第十一屆（民國十六年）及第十二屆（民國十七年）會議之間。世界上發生一重大事件。足使禁烟問題。根本更變。應先向大會一言。

中國革命成功。軍事時期已過。在革命統一旗幟之下。國民政府。於內戰停止之次日。卽刻宣告。與鴉片烟作戰。鴉片問題之於中國。包含政治社會性質。故對大會研究此問題之時。不能不用客觀看法。牽涉及中外關係上之一種奇怪制度。開誠直陳。今日亞細亞洲數萬萬民族心理。已經恍然大悟。而知其對於世界。何者爲其應享權利。何者爲其應盡義務。故一般民衆思想看法。實有代向大會聲述之必要。本委員數日來無多發言者。蓋我國民政府嚴厲禁烟。大得輿論協力贊助。九月十七日頒布禁烟法令。爲時未久。初意擬視本法實施成績如何

。然後再向大會詳報。惟就目前感想所及。似又不得不表示意見如下。

世人不明鴉片來歷。以爲產於中國。實則剖取罌粟汁以製鴉片之法。原非中國所知。字書中不見鴉片名詞。晚近始譯自希臘語。不幸傳聞一誤。舉世相因。好事者又從而推波助瀾。強以加於中國。訛傳更廣。衆口鑠金。眞僞宜辯。考西歷紀元前數百年。希臘人已用鴉片烟製藥。中國在八世紀時亦視爲醫藥之劑。同時亞拉伯人已有吸鴉片者。富有道德識見之回教先哲。嚴禁教徒飲酒。而未念及戒此烟毒。因而貽害無窮。可見智者千慮。必有一失。十五世紀亞拉伯人始將吸烟之法。傳入中國。數百年來。華人用盡力量。抵抗鴉片。自前清雍正。迄于國民政府。不知曾佈多少禁烟法令。其中尤以清末民初十年間。禁止鴉片。成績卓著。中國法律。向不許開設烟館。所產鴉片。亦未嘗許爲對外之合法貿易。中國不產高根葉。又不製嗎啡。海洛因。及其他毒品。中國與世界共同禁烟問題發生正式關係。肇端於一九二二年。海牙國際禁烟公約。及至一九二四及一九二五年。日來弗國際聯合會。禁烟會議時。中國力贊美國提案。所惜當時與會在遠東擁有殖民地之國家。不願採行按年遞減之禁烟方法。以致禁烟一事無澈底解決。中國不得不宣告退席。往事不說。且請注意來者。

原
书
缺
页

原
书
缺
页

除中國之痛苦。則尤爲不可解矣。近年中國對於禁煙。以內亂關係。純取守勢。今則中國政府及中國國民。決心協力。對鴉片完全進攻。期絕根株。不留餘毒。而于其他毒品。亦盡量限制。以足供醫藥科學上之需要爲止。明知此事極難。敢云一舉卽得。惟我政府國民。抱定堅決力行宗旨。不問收穫。只知耕耘。在此種情形之下。只惜國中尙有租界之類。豎立文明國旗。保護不法貿易。爲進攻毒物之最大抵抗力。致使租界變成毒品寄生繁殖之中心點。爲此不得不請各國諒解。及早取消此等不平等制度。

中國智識界看法。以爲禁烟問題。在未取消領事裁判權之前。難得美滿結果。本委員意見亦復相同。故不能不代我國民發此回響。去年九月二十六日巴黎星期報著論。謂上海某租界內。所有搜獲烟土。悉行售于鄰近之殖民地政府。烟商盤據體面地位。享受禮貌待遇。並謂租界內公然售烟。千真萬實。鴉片館主。每枝烟鎗。收華幣四角。同時並開賭場。每月有一千二百萬法國佛郎之淨入。本委員離國甚遠。不知是否盡符事實。然不穴無風。惟望有關係國之官廳。卽僅爲顧全彼國名譽計。亦應注意取締之。使消聲滅跡。

本委員曾言在某某區域內。禁烟頗有進步。然就全體報告言。實不能使人滿意。世界出產烟

額數統計。極不完全。試觀一九二七年統計產烟最多之國。悉無報告。表格均留空白。我國亦在其中。同深慚愧。銷售熟烟。統計比較完全。其中固有銷額稍減之區。然荷屬南洋羣島。一九二六年吸銷五五，一八五啓羅。一九二七年增爲五九，一〇三啓羅。香港從七，三七九九啓羅。增至一一，〇六八啓羅。澳門從五，七三六啓羅。增至一〇，一二九啓羅。通計銷烟數目。一年之中。增加一倍。再就各地財政預算上全部與烟稅收入數目。比較觀之。唐加憲 *Trengganu* 烟稅。佔全收入百份之二一・四〇。北波羅波洲。佔百分之二一・二〇。法屬安南。雖未列表。然聞約佔三分之一。英屬海峽殖民地。佔百分之二十四。本委員因此憶及一九二五年一月二十日美國代表波提爾之言曰。「世界上不能有任何國家。任何民族。任何個人。不問其是否同種。是否同教。是否同一社會。階級如何。敢以摧殘人類幸福之買賣。爲本已富強基礎。蓋世界上公理道德。只有一種。並無二種。不能謂對西方爲一道德。對東方另爲一道德。待遇不平。卽不能保持世界太和。故在西方之所禁者。東方亦當禁之。西方所重罰者。在東方亦應科以重罰。」美哉斯言。感佩無已。或有曰。若取消鴉片稅。則難覓替代之財源。然此係各殖民地內部問題。吾人不能越俎代謀。要之從天理上人道上立論。

數千萬東亞民族。在歐洲各國政府保護之下。亦應享受新文明之幸福。如謂地方財政。必取之鴉片稅及酒稅。以爲合于天理人道。而必堅持政府專賣之利。則眞吾人所大惑不解者矣。本委員因鴉片而論及酒者。以遠東受酒之害。亦積漸激烈。據英屬海峽殖民地報告。一九二七年緝獲非法運酒。數達三萬五千法量。再查獲私家造酒機器一百二十五具。披覽毒品製造統計。更覺危險。毒品中最毒之海洛因。醫學家言。有害無益。卽在醫藥上。亦係無用之品。服之能使人變爲禽獸。毒烈至於此極。製造仍是月進年增。惟美國不製此物。拒毒態度。非常鮮明。奈何他國之大量製造者。不顧及此。頃所言者。僅係根據正式報告。正式貿易耳。若計私漏。更可慘痛。普通估計世界上私賣毒品之額。較醫藥及科學上需要。超出四十倍。去歲九月七日。洛桑報曾載論說。畧謂『數月來國際聯盟禁烟政策。固係按照一九二五年日來弗公約進行。並常據約文知照各國政府。寄送完全統計報告。然查由一九二一年到一九二六年間。世界製造嗎啡之量。增加百分之三十或五十。再分查各國統計。簽定禁烟公約後。製造毒品。亦愈見增多。法國所造嗎啡。一九二一年爲二七〇啓羅。一九二四年爲三二二啓羅。一九二六遂達二千啓羅。』云云。一九二五年日來弗公約第五條。及一九一二年海牙

公約第九條。本意原同爲規定各國政府應訂實施有效法令。對於毒品之製造運輸販賣分配出口及用途各節。極端限制。以足供醫藥上及科學上之需要爲度。而孰知大謬不然。竟如該報所謂。『公約甫簽。增毒反驟。』不幸之事實具在。吾儕將何辭自解乎。簽約各國。盟誓已就。墨跡未乾。亦曾思其所履行公約上之義務爲何如乎。產額充溢。定求銷暢。則華僑萃聚之遠東。開門納毒之中國。及可乘源漏入之北美。卽爲其新市場。自不待論。然則挽救之法爲何。及今所知。似惟有嚴格採行各國限量分製之制度。本會內。意國代表 Cavazzoni 美國顧問 Woods 及法國顧問 Brenier 均力主此說。美國顧問於第十屆會議曾云。『所有製毒工廠。應或收回國有。或由政府充分監督。按照各地必需分量。而製造之。凡購買原料監製販賣分配貯藏。概歸政府管理』法國顧問。在第九屆會議未能出席。亦曾函告會長。該函係在該屆第二次大會中宣讀。畧謂。『本席對於毒品監督意見。始終一致主張。各國宜採用限量分製之良法。亦或惟此可以解除私人造運毒品之禍患。地方官廳海關及水道警察等。雖可緝私。譬之流水一入溝管中。勢必汎溢。要在未入溝管之先。善閉放水機關。扼其要害。則蓄水池自可隨意大小。故首閉放水機關。方爲得計。』善哉斯言。限量分製之制度。以各國人口

及醫藥科學上應用之多寡爲基礎。國際聯盟衛生局長業已估定其數。實行此制。當不至甚感困難。即使有經濟損失之慮。亦不應兼顧。蓋人類生命關係。更重於經濟問題也。此外如尙有其他良法。我國亦願攷慮採用。總之國際未有更善方法以前。各國似不應彼此觀望。立即施行必要方法。使毒品之製造販賣用途。限于醫藥及科學上唯一之需求。

推原鴉片流毒。其初不過爲害遠東。迨自發明由鴉片原質可製嗎啡及其他化合毒質之後。毒品滋蔓。遂成世界問題。拒毒工作。艱難萬狀。然事在人爲。苟能一鼓作氣。羣策羣力。斷不至於無成。本委員故云。本會中人。必無意存觀望。試觀抵制瘟疫入境者。斯時恐後爭先。人自爲戰。何嘗有絲毫彼此推諉相視不前之念哉。

本委員於未下結論之先。不得不再述一特別有關我國之問題。希望各國代表。予以注意。說者謂利用華人作工。不能不許其吸鴉片。華工視吸鴉片與吃飯並重。故不准華僑吸鴉片。是爲有傷人道。滑稽之說。巧言亂真。忍心害理。查歐戰時。在各方作事之華工。衆至十餘萬。成績優良。當時既禁鴉片。亦無覓吸機會。故工作特別可觀。足爲明證。猶有進者。前此日來弗國際禁烟會議時。日本代表曾言。台灣因地方吸鴉片之人數減少。烟稅按年遞減。然

作工效率。則年高一年。由此觀之。卽純從經濟上着眼。犧牲烟稅。以易工業之發達。有何不值。又今日爲政治性質之宣傳者。頗不乏人。其言曰。『歐人之對待殖民地異種人民。極爲奇特。既以最廉之價。僱其作工。用以致富。惟此種人民。亦應有享受天賦保全其活命及健康之權。歐人不應既吸其血。又滅其種。』故爲保持東西永久和平及完滿情感計。歐洲在遠東有殖民地各國。應速行禁止鴉片及毒品之方法。

中國禁烟政策。世界皆知。其目的在鴉片完全禁止。對於製造毒品。以足供醫藥及科學之用爲度。態度誠懇。進行努力。謂余不信。請以往事明之。一九〇六年到一九一七年間。中國禁烟成績優良。駐華英使朱爾典在第七屆禁烟顧問會議第五次大會中。極贊中國政府及地方官廳辦理禁烟之堅決持久。十年之間。卒底於成。而言不可忘其功績。英國議員史韜登 Sir George Staunton 素爲熟習華事者。於一八四三年四月十四日在議院演說。畧謂。『如無東印度公司之極力獎種鴉片。則其產額不至多出四倍。亦不至有偷運鴉片入中國之事。又何至有此鴉片戰爭。』其言深切著明。如無此段可慘歷史。則今日我國青年想像。何至記憶之中。猶含痛苦。出產過多。必生私販。私販盛行。卽演成衝突。激成戰爭。往日如此。今日則世

界五十餘國在國際聯盟盟約之下。盡其義務。受其保護。當不至如前此之再假通商自由名義。對弱小民族強辭奪理。輸入毒物。滅其種族。故售毒戰爭不慮再見。惟是海牙公約已簽字有十六載之久。禁烟顧問會亦已設立八年。何以對於限制毒品之製造及其切實保護受毒民族之道。尙毫無結果。

茲本上述理由。謹以中華民國政府名義及全國民意。提出最懇切之希望條件如下。

(一)有關係之國家。在其遠東殖民地內。不可以烟稅支持財政。即日禁止吸鴉片。

(二)領事裁判權取消之期。當已不遠。惟在未完全放棄之前。根據上述不平等條約所得該權之國家。對於該國人民在華私自運售鴉片毒品。有害該國名譽者。不復予以保護。所有此種案件。聽任中國當地法庭管轄之。

(三)在租借地及租界應即交還中國而尙未交還之前。各該地界內有關係各國。應於緝私上。容受中國警察協力。

(四)如本會未能即刻採行限量分造。或類似制度。而各國又未自行規定下列辦法時。應請各國即日訂立法律或章程。使嗎啡海洛因高根及由此配成之化合毒質。得限制至醫藥及用